

佛日普照慧辯楚石禪師語錄卷第九 岬三

侍者明遠編

舉古

舉趙州因僧問學人乍入叢林乞師指示州
云喫粥了也未僧云喫粥了也州云洗鉢盂

一

去其僧因此契悟雲門云且道有指示無指
示若言有趙州向伊道箇什麼若言無這僧
爲甚悟去妙喜云雲門大似阿修羅王攬動
三有大城諸煩惱海復喝云寐語作麼師云
諸仁者要見雲門則易要見妙喜則難請訛

在什麼處劍去久矣你方刻舟

舉趙州因僧辭州問什麼處去僧云諸方學
佛法去州堅起拂子云有佛處不得住無佛
處急走過三千里外逢人不得錯舉僧云與
麼則不去也州云摘楊花摘楊花妙喜云有

佛處不得住生鐵秤錘被蟲蛀無佛處急走
過撞著嵩山破竈墮三千里外逢人不得錯
舉兩箇石人鬪耳語恁麼則不去也此話已

徧行天下摘楊花摘楊花唵摩尼達里吽囉
吒靈隱岳舉妙喜語了云妙喜老人盡力道
只道得到這裏還知香山落處麼鐵山崩倒
壓銀山盤走珠玲珠走盤密密鴛鴦閒繡出
金針終不與人看師云妙喜老祖唱之於前
天寧遠孫和之於後門前種葛葛生火
筋火筋開蓮華蓮華結木瓜木瓜忽然擗落
地撒出無數無數脂麻何也且要入拍

舉趙州與文遠論義鬪劣不鬪勝勝者輸胡
餅遠云請和尚立義州云我是一頭驢遠云
某甲是驢臍州云我是驢糞遠云我是糞中
蟲州云汝在彼中作什麼遠云我在彼中過

夏州云把將胡餅來妙喜云文遠在驢冀中過夏面赤不如語直趙州貪他少利贏得箇胡餅檢點將來也是普州人送賊畢竟如何鵝王擇乳素非鴨類師云當時文遠待趙州

老漢道我是一頭驢便道輸却胡餅了也老

漢取胡餅就手奪却便行

舉長沙一夕覩月次仰山云人人盡有這箇事祇是用不得沙云恰是倩汝用去山云你作麼生用沙乃與一踏踏倒山起來云爾直下似箇大蟲妙喜云皎潔一輪寒光萬里靈利者葉落知秋聞茸者忠言逆耳休不休已不已小釋迦有陷虎之機老大蟲却無牙齒當時一踏豈造次驀然倒地非偶爾衆中還有繙索得二老出者麼良久云設有也是掉棒打月師云小釋迦云你作麼生用岑大蟲

便與一踏盡謂高超物外獨步寰中天寧忍俊不禁也擬冷處著把火二大老如斯吐露於建化門頭足可觀光若是這箇事料掉無交涉

舉甘贊行者入南泉設齋黃榦爲首座行者

請施財榦云財法二施等無差別行者昇錢出去須臾復云請施財榦云財法二施等無差別行者乃行覲妙喜云一等是隨邪逐惡雲居羅漢却較些子師云恁麼恁麼扶起甘贊推倒黃榦不恁麼不恁麼扶起黃榦推倒

甘贊只如恁麼中不恁麼不恁麼中却恁麼又作麼生師子咬人韓獮逐塊

舉鴻山同百丈入山作務丈云將得火來麼鴻云有丈云在甚處鴻把一枝柴吹兩吹度與丈云如蟲禦木妙喜云百丈若無後語洎

被典座謾師云百丈却因後語被人覬破帶

累典座隨邪逐惡天寧幸是無事汝等諸人來這裏覓箇什麼一盲引衆盲相牽入火坑以拄杖一時趕散

舉黃檗示衆云汝等諸人盡是噇酒糟漢與

麼行脚何處有今日還知大唐國裏無禪師麼時有僧云只如諸方匡徒領衆又作麼生檗云不道無禪只是無師妙喜云且道是醍醐句毒藥句師云殺人刀活人劍具眼者辨取

舉黃檗一日因南泉問定慧等學明見佛性此理如何檗云十二時中不依倚一物始得泉云莫便是長老見處麼檗云不敢泉云漿錢且置草鞋錢教誰還檗休去妙喜云路逢劍客須呈劍不是詩人不獻詩師云又是逢

便宜又是落便宜

舉仰山因僧問法身還解說法也無山云我說不得別有一人說得僧云說得底人在甚麼處山乃推出枕子鴻山聞乃云寂子用劍刃上事妙喜云鴻山正是憐兒不覺醜仰山

推出枕子已是漏追更著名字喚作劍刃上事悞他學語之流便恁麼承虛接響流通將去妙喜雖則借水獻花要且理無曲斷卽今莫有傍不肯底出來我要問你推出枕子還當法身說法也無師云這僧問法身說法蹉

過也不知仰山推出枕子又何曾見大小鴻山將錯就錯配作劍刃上事縛作一束秤上秤來八兩半斤如無輕重若也當時纔見這僧道法身還解說法也無便驟步歸方丈豈不是出格宗師免得天下衲僧貶剝

舉仰山因問香嚴師弟近日有悟道頌試舉
看遂舉擊竹頌山云此是閒時構置又舉一
偈云去年貧未是貧今年貧始是貧去年貧
尚有卓錐之地今年貧錐也無山云你只得
如來禪不得祖師禪又呈一偈云吾有一機
瞬目視伊若人不會別喚沙彌山云且喜師

弟會祖師禪妙喜云鴻山晚年好則劇教得
一棚肉傀儡直是可愛且作麼生是可愛處
面面相看手脚動爭知語話是他人師云師
兄師弟去年今年論什麼道說什麼禪總是
掉棒打月何異掘地討天禪禪也無妙也無
立莫把封皮作信傳

舉香嚴示衆云如人在千丈懸崖口銜樹枝
手無所攀脚無所踏忽有人問西來意不對
則違他所問若對則喪身失命當恁麼時作

麼生卽是時有虎頭上座云上樹卽不問未
上樹請和尚道嚴呵呵大笑妙喜云吞得栗
棘蓬透得金剛圈看這般說話也是泗洲人
見大聖師云香嚴老人曲說方便虎頭上座
未辨端倪若論激揚此事三生六十劫

舉靈雲見庵花悟道有頌三十年來尋劍客
幾回落葉又抽枝自從一見庵花後直至於
今更不疑舉似鴻山山云從緣得入永不退
失汝善護持次舉似玄沙沙云諦當甚諦當
敢保老兄未徹在妙喜云一家有事百家忙
師云人無遠慮必有近憂直饒百鍊精金不
免入爐再煅

舉睦州見僧來云見成公案放你三十棒僧
云某甲如是州云門前金剛爲什麼豎拳僧
云金剛尚乃如是州便打妙喜云雖然無孔

笛撞著檀拍板直是五音調暢六律和諧子細檢點將來未免傍觀者晒且道誰是傍觀者良久云不得動著動著打折驢腰師云睦州與這僧二俱作家二俱不作家還有人辨得出麼

舉臨濟侍德山次山云今日困濟云這老漢寐語作麼山便打濟掀倒禪牀雲峯悅云奇怪諸禪德此二員作家一拶一捺略露風規大似把手上高山雖然如是未免傍觀者晒且道誰是傍觀者喝一喝下座妙喜云雲峯與麼批判大似普州人徑山若見縛作一束送在河裏不見道蚌鵝相持俱落漁人之手師云衆中道德山臨濟好手手中呈好手紅心心裏中紅心殊不知用盡自己心笑破他人口

舉臨濟垂問有一人論劫在途中不離家舍有一人離家舍不在途中阿那箇合受人天供養妙喜云賊身已露師云天共白雲曉水和明月流

舉保壽問胡釘鉸云莫是胡釘鉸麼胡云不敢壽云還釘得虛空否胡云請和尚打破來壽便打胡云莫錯打某甲壽云汝向後遇多口阿師與汝點破在胡後到趙州舉前話問不知某甲過在甚處州云只這一縫尚不奈何釘鉸於此有省妙喜云直饒釘得這一縫檢點將來亦非好手可憐兩箇老禪翁却對俗人說家醜師云胡釘鉸元不知這一縫當時趙州若不與賊過梯便是踏破百二十絇草鞋也未警地在雖然釘鉸明得也較保壽

舉三聖問雪峯透網金鱗以何爲食峯云待汝出網來却向汝道聖云一千五百人善知識話頭也不識峯云老僧住持事繁妙喜云一人龐似丘山一人細如米末雖然龐細不同秤來輕重恰好徑山今日真實告報諸人切忌鑽龜打瓦七師云透網金鱗以何爲食待汝出網來却向汝道衝開碧落松千尺截斷紅塵木一溪

舉南院因僧問赤肉團上壁立千仞豈不是和尚恁麼道院云是僧便掀倒禪牀院云你看這瞎漢亂做僧擬議院打出妙喜云吾今爲汝保任此事終不虛也師云這僧敢在毒蛇頭上揩痒蒼龍領下批鱗誰不賞他大膽只是末上少了一著自出洞來無敵手得饒人處且饒人

舉興化一日云克賓維那爾不久爲唱導之師賓云我不入這保社化云會了不入不會不入賓云總不與麼化便打乃云克賓維那法戰不勝罰錢五貫設饋飯一堂至明日興化自白槌云克賓維那法戰不勝不得喫飯即便趕出雲居舜云大治精金應無變色其奈興化令行太嚴不是克賓維那也大難承當若是如今汎汎之徒翻轉面皮多少時也妙喜云雲居拗曲作直妙喜道要作臨濟烜赫兒孫直須翻轉面皮始得師云克賓法戰不勝興化據令而行稱提臨濟宗風揭示正法眼藏棒頭出孝子佛法無人情當時將謂茅長短燒却元來地不平

舉石頭因藥山問三乘十二分教某甲龐知嘗聞南方直指人心見性成佛實未明了伏

望和尚慈悲指示頭云與麼也不得不與麼
也不得與麼不與麼總不得汝作麼生山佇
思頭云汝因緣不在此江西有馬大師子往
彼去應爲汝說山至彼准前請問馬師云我
有時教伊揚眉瞬目有時不教伊揚眉瞬目

▲三

有時教伊揚眉瞬目是有時教伊揚眉瞬目
不是山於是省便作禮馬師云子見箇什
麼道理山云某甲在石頭時如蚊子上鐵牛
馬師云汝旣如是宜善護持妙喜云好箇話
端阿誰會舉舉得十分未敢相許師云藥山
只知蚊子上鐵牛不知鐵牛叮蚊子露柱親
遭一口燈籠無地藏身嚇得馬大師變作老
妙喜我且問你話端從甚麼處說起相罵饒
你插觜相唾饒你潑水

舉洞山示衆云秋初夏末東去西去直須向

萬里無寸草處去始得只如萬里無寸草處
作麼生去後有舉似石霜霜云出門便是草
山聞乃云大唐國內能有幾人妙喜云師子
一滴乳迸散十斛驢乳師云賊是小人智過
君子

舉夾山示衆云百草頭薦取老僧鬧市裏識
取天子雲門云蝦蟆鑽你鼻孔毒蛇穿你眼
睛且向葛藤裡會取妙喜云夾山塚生招箭
雲門認賊爲子雖然如是知恩者少負恩者
多師云百草頭薦阿誰鬧市裏識什麼

▲三

九

舉九峯在石霜爲侍者因普會遷化衆舉首
座住持峯云須明得先師意始可住遂問先
師道如古廟裏香爐去冷湫湫地去如一條
白練去口邊生醭去首座作麼生會座云明
一色邊事峯云未會先師意在不得住座云

裝香來我若不會先師意香煙起時脫去不得及至香煙纔起首座脫去峯乃於背上撫云坐脫立亡卽不無首座先師意未夢見在妙喜云兩箇無孔鐵鎚就中一箇最重師云首座坐脫立亡侍者說黃道黑先師意在鈎頭須信曲中有直若在臨濟門下三十棒教誰婢纔說是非者便是是非人

舉曹山示衆云諸方盡把格則何不與他一轉語教他不疑去雲門便問密密處爲甚不知有山云只爲密密所以不知有門云此人如何親近山云莫向密密處親近門云不向密密處親近時如何山云始解親近門應諾妙喜云濁油更點濕燈心師云雪山南面三千里

舉乾峯示衆云舉一不得舉二放過一著落

在第二雲門出衆云昨日有人從天台來却往徑山去峯云明日不得普請便下座妙喜云乾峯洗面摸著鼻雲門婢飯咬著沙二人驀地相逢著元來却是舊冤家雖然如是只許老胡知不許老胡會又云彼此揚家醜賴遇無傍觀者師云兩箇駝子相逢著世上如今無直人

舉雪峯因僧問古澗寒泉時如何峯云瞪目不見底僧云飲者如何峯云不從口入趙州聞僧舉乃云終不從鼻孔裏入僧却問古澗寒泉時如何州云苦僧云飲者如何州云死峯聞得乃云趙州古佛遂遙望作禮從此不答話妙喜云雪峯不答話疑殺天下人趙州道苦面亦不如語直若是妙喜則不然古澗寒泉時如何到江扶櫓棹出岳濟民田飲者

如何清涼肺腑此語有兩負門若人辨得許
你有參學眼師云妙喜老人可謂人平不語
水平不流

舉高亭初往參德山隔江見德山在江岸坐
乃隔江問訊山以手招之亭忽開悟便迴更
不渡江遂返高亭住持妙喜云高亭橫越而
去許伊是箇靈利師僧若要法嗣德山則未
可何故猶與德山隔岸在師云如今衆中商
量道高亭見德山不與他說話便去所以妙
喜道猶與德山隔岸在還曾夢見高亭麼拈

起拄杖云便好喚回與一頓且道是賞伊是
教伊說又說不得且作麼生接若接不得佛
法無靈驗當時地藏出云某甲有眼耳和尚
作麼生接沙云慚愧便歸方丈雲門因僧請
益云汝禮拜著僧拜起門以拄杖拄之僧乃
退後門云汝不是患盲復喚近前來僧纔近
前門云汝不是患聾門云還會麼僧云不會
門云汝不是患啞其僧於是有省妙喜云這
僧雖然悟去只悟得雲門禪若是玄沙禪更
著草鞋行腳師云玄沙雲門氣急殺人彼自
無瘡勿傷之也

舉玄沙示衆云諸方盡道接物利生忽遇三
罰伊

舉玄沙示衆云諸方盡道接物利生忽遇三
種病人來且作麼生接患盲者拈槌豎拂他
又不見患者者語言三昧他又不聞患瘡者

舉玄沙與天龍入山見虎龍云前面是虎沙
云是汝虎龍歸院乃問適來山中未審和尚
尊意如何沙云娑婆世界有四種重障若人
透得許出陰界妙喜云也知和尚爲人切師
云畢竟見箇什麼隨例道虎蝦跳不出斗

舉雲門問直歲什麼處去來歲云刈茅來門

云刈得幾箇祖師歲云三百箇門云朝打三千暮打八百東家杓柄長西家杓柄短又作麼生歲無語門便打妙喜云直歲無語自有三百箇祖師證明雲門令雖行要且棒頭無眼師云大小雲門却被直歲勘破

舉雲門示衆云聞聲悟道見色明心作麼生是聞聲悟道見色明心乃云觀世音菩薩將錢來買胡餅放下手元來却是饅頭妙喜拈拄杖云者箇是色卓拄杖云這箇是聲諸人總見總聞那箇是明底心那箇是悟底道喝一喝云貪他一粒粟失却半年糧復卓一下師云汝等諸人不是不聞聲因什麼不悟道不是不見色因什麼不明心雲門渭麼提撕妙喜渭麼判斷一曲兩曲無人會雨過夜塘

秋水深

舉保福因僧問家貧遭劫時如何福云不能盡底去僧云爲什麼不盡底去福云賊是家親僧云既是家親爲什麼翻成家賊福云內既無應外不能爲僧云忽然捉敗功歸何處福云賞亦不曾聞僧云恁麼則勞而無功效云功卽不無成而不取僧云既是成功爲什麼不取福云不見太平本是將軍致不許將軍見太平妙喜云絲來線去弄精鬼師云家無白澤之圖必無如是妖怪

舉法眼問修山主毫釐有差天地懸隔兄作麼生會主云毫釐有差天地懸隔眼云與麼又爭得主云某甲只與麼未審和尚作麼生眼云毫釐有差天地懸隔主便拜妙喜云法眼與修山主絲來線去綿密扶起地藏

門風可謂滿目先生若是徑山門下更買草

鞋行脚始得何故毫釐有差天地懸隔甚麼處得這消息來師云二老漢不會轉身句如今忽問天寧毫釐有差天地懸隔時如何向他道昨日有人問三十棒趕出院去也

舉法眼細三有時指凳子云識得凳子周匝有餘

後來雲門道識得凳子天地懸隔妙喜云識得凳子好剃頭洗腳雖然如是錯會者多師云莫將閒話當閒話往事從閒話生

舉修山主示衆云具足凡夫法凡夫不知具

足聖人法聖人不會聖人若會即是凡夫凡夫若會即是聖人此語具一理二義若人辨得不妨於佛法中有箇入處若辨不得莫道不疑妙喜云點鐵化爲金玉易勸人除却是非難師云修山主熟處難忘也是胡地冬抽

筭

舉法雲因百法座主云禪家流多愛脫空雲造前問承聞座主講得百法論是否主云不敢雲云昨日晴今日雨是甚麼法中收主無對雲云莫道禪家流多愛脫空好主抗聲云

和尚且道昨日晴今日雨是什麼法中收雲云四十二時分不相應法中收主乃屈服作禮而謝妙喜云昨日雨今日晴時分不相應三日後看取師云雲自帝鄉去水歸江漢流

頌古

舉德山小參示衆云老僧今夜不答話問話者三十棒時有僧出禮拜德山便打僧云某甲話也未問爲什麼打某甲山云你是甚處人僧云新羅人山云未跨船舷好與三十棒法眼云大小德山話作兩橛圓明云大小德

山龍頭蛇尾雪竇云德山握閻外之威權有
當斷不斷不招其亂底劍要識新羅僧只是
撞著露柱底瞎漢

塗毒鼓未擊早是鴨聞雷漫天網未收躍

鱗衝浪來德山老德山老正令當行非草

草法眼重加矢上尖圓明更向聲前掃千

古流芳雪竇師長劍在手親提持

舉德山挾複子到鴻山上法堂從東過西從

西過東鴻山默坐不顧德山云無無便下去

復云也不得草草遂具威儀見鴻山提起坐

具云和尚鴻山擬取拂子德山便喝當時背

法堂著草鞋便去鴻山至晚間首座適來新

到在什麼處首座云當時背法堂著草鞋便

去鴻山云還識此子麼已後向孤峯頂上蟠

結草庵呵佛罵祖去在

作家相見無背無面眼似流星機如閃電
提起坐具略露鋒鋩擬取拂子聊乘快便

已後孤峯結草庵牛頭向北馬頭南

舉南泉參百丈涅槃和尚丈問從上諸聖還有不爲人說底法麼泉云有丈云作麼生是

不爲人說底法泉云不是心不是佛不是物丈云說了也泉云普願只恁麼未審和尚如何丈云我又不是善知識爭知有說不說泉云普願不會丈云我太煞爲你說了也

爲人不爲人水上捉麒麟說法不說法證

龜

三

却成鱉百丈南泉陣勢旣圓只拋瓦子

相擊錯教千古流傳

舉百丈再參馬祖祖舉拂子丈云卽此用離此用祖掛拂子於舊處侍立少頃祖云你已後鼓兩片皮如何爲人丈取拂子舉起祖云

卽此用離此用丈樹拂子祖便喝丈大悟後
謂黃檗云我當時被馬師一喝直得三日耳

聾

大丈夫須勦絕纔涉商量便成塗轍畫餅
不可充饑喫鹽那能止渴馬駒踏殺天下

人未是當時這一喝

舉道吾至一家吊慰漸源撫棺問生耶死耶
吾云生也不道死也不道源云爲什麼不道
吾云不道不道後於石霜再舉始知落處一
日將鉢子於法堂上從東過西從西過東霜
云作什麼源云覓先師靈骨霜云洪波浩渺
白浪滔天覓什麼靈骨源云正好著力太原
孚云先師靈骨猶在

生也不道死也不道滿口含霜全身入草

先師靈骨廓爾現前不用鐵鉢斬地從教

白浪滔天大可憐不是顛海枯終見底人

死腳皮穿

舉靈山會上有一女子於佛前入定佛敕文
殊出之文殊達女子三遭鳴指一下女子入
定儼然文殊遂運神力托至梵天撲下女子

亦復儼然佛云非但汝一人出此女子定不

得設使千百萬億文殊亦出不得下界有罔
明菩薩能出此定佛語未竟罔明從地湧出
佛敕令出定罔明達女子三帀鳴指一下女
子遂出定老宿徵云文殊是七佛之師爲什

麼出女子定不得罔明爲什麼却出得

一切處是定出入有何拘瞿疊推倒女子
罔明扶起文殊咄咄咄噓噓噓面相逢

不識渠

舉青原謂石頭云人人盡道曹溪有消息頭

云有人不道曹溪有消息原云大藏小藏從何得頭云盡從這裏去諸事總不關

有消息無消息誰辨的無消息有消息也

奇特大藏小藏從何得生鐵蒺藜當面擲

舉僧問雲門佛法如水中月是否門云清波

無透路僧云和尚從何得門云再問復何來

僧云便與麼去時如何門云重疊關山路

水中本無月裡目自生花到處覓相似苦

哉佛陀耶問前三十棒問後趨出院大小

大雲門與人通一線

舉僧問龍牙二鼠侵藤時如何牙云須知有

隱身處始得僧云如何是隱身處牙云還見

儂家麼

藤枝迴秀二鼠難侵不如不異非古非今

儂家面目只這是曠劫何人住生死

七

七

舉圓覺經云以大圓覺爲我伽藍身心安居平等性智

虛空包不盡大地載不起任是老瞿曇於

斯難下觜黃金粧白牯五彩畫狸奴脚不

離門限長年走長途

舉僧問雪峯古澗寒泉時如何峯云瞪目不見底

僧云飲者如何峯云不從口入後有僧

舉似趙州云不可從鼻孔裏入去也僧却

問古澗寒泉時如何州云苦僧云飲者如何

州云死雪峯聞之云趙州古佛從此不答話

來問不離窠應機非逸格雪峯與趙州一

窖俱埋却要知古澗寒泉初非湛湛涓涓

無限盲驢拽磨大鵬背負青天

舉外道問佛不問有言不問無言時如何世

尊良久外道云世尊大慈大悲開我迷雲令

我得入外道既去阿難問云外道有何所證

世尊云如世良馬見鞭影而行

有言無言俱不問追風駿馬猶爲鈍忽然

自宵點頭時豈待重將鞭影施誰又何疑

巍巍堂堂三界大師

舉僧問六祖黃梅意旨是甚麼人得祖云會

佛法人得僧云和尚還得也無祖云我不得

僧云爲甚麼不得祖云我不會佛法

黃梅有甚意旨六祖元是樵夫道我不會

佛法茫茫接響承虛若非一筆勾下轉見

滋蔓難圖六六元來三十六長江風緊浪

花纏

舉太原孚上座問鼓山父母未生時鼻孔在

什麼處山云卽今生也鼻孔在什麼處孚不

肯乃云你問我與你答山云父母未生前鼻

孔在什麼處孚乃搖扇而已

父母未生鼻孔崢嶸及乎生也大頭向下

鼓山放過太原太原勘破鼓山拈起手中

扇子是非都不相關

舉乾峯示衆云舉一不得舉二放過一著落

在第二雲門出云昨日有一僧從天台來卻
往徑山去峯云典座今日不得普請

赤鳥飛白兔走山茶華水酒柳兩兩不成
雙三三亦非九夜來海底剔金燈天曉面

南看北斗

舉雲巖問道吾大悲菩薩用許多手眼作麼

吾云如人夜間背手摸枕子相似巖云我會
也吾云你作麼生會巖云偏身是手眼吾云
太煞道只道得八成巖云你又作麼生吾云
通身是手眼

通身徧身是手是眼一物元無十虛充滿

雲巖盡力道只道得入成不是僧繇手徒

說會丹青

舉洞山夏末示衆云秋初夏末東去西去直

須向萬里無寸艸處去衆無語僧舉似石霜

霜云何不出門便是草

卷三十九

舉趙州云老僧答話去也有解問底致將一

論佛論生死有無俱未是大梅老凍脰失
却拄杖子當時各與三十徧界無錐可立
特地分別親疏受他當面塗糊徵瞎摩醯
頂門眼開發人天有何限

靜悄悄閑浩浩閑浩浩靜悄悄新豐萬里
無寸草瀏陽出門便是草如今要見二大

老鵠眼龍睛何處討

舉定山夾山同行定山云生死中無佛則無

生死夾山云生死中有佛則不迷生死二人

各謂已語親切往大梅舉而質之梅云一親
一疏二人下去次日夾山往問阿那箇親梅
云親者不問問者不親夾山住院後舉此謂
衆云我當時失却一隻眼雪竇云夾山畢竟

不得法眼云我會也

照雪橫戈撒星排陣索戰無功一場氣悶
老僧答話也豈是教你問拋輒引玉大垂
慈胞頽囊錐徒逞俊覺鐵背覺鐵背看看
平地波濤起

舉馬祖百丈西堂南泉翫月次祖指月問西
堂正當恁麼時如何西堂對云正好供養問
百丈丈對云正好修行問南泉泉拂袖便去
祖云經入藏禪歸海惟有普願獨超物外
描也描不成畫也畫不就大地與山河光

曲三

二十一

明處處透百丈西堂供養修行金春玉應
虎步龍驤獨有南泉較些子星流不問三

千里

舉金牛行食次問龐居士云生心受食淨名
已訶去此二途居士還甘否士云當時善現
豈不作家牛云豈干他事士云食到口邊被
人奪却牛便行食士云不消一句子

金牛勾賊破家龐公據欵結案往來古路
翛然翻憶淨名善現一句子沒疏親錦上
鋪花色轉新

舉師祖問南泉摩尼珠人不識如來藏裏親
收得如何是藏泉云王老師與你往來者是
藏雪竇云草裏漢祖云直得不往來時如何
泉云亦是藏雪竇云雪上更加霜祖云如何
是珠泉云師祖祖云諾雪竇云百丈竿頭作
伎倆未是險若向箇裏著得一隻眼竇王互
換便能深入虎穴成不恁麼直饒師祖悟去
也是龍頭蛇尾漢

聲前拋不出句後覓無踪今古強描邈墮
他光影中摩尼珠作麼會提起金錕百襍

曲三

二十二

舉僧問藥山如何是道中至寶山云莫詣曲
僧云不詣曲時如何山云傾國不換
道中至寶傾國不換捨已從人藥山老漢
分明莫詣曲萬古歸一貫白璧與黃金從

教泥土賤

舉僧問雲門學人不起一念還有過也無門
云須彌山
須彌山見何難日晝月夜地濶天寬君不
見神光斷臂立深雪覓不得心心自安

舉僧問投子一大藏教還有奇特事也無子
云演出一大藏

投子一言旋乾轉坤指不自觸舌何可捫
量外提持兮盡同魔說目前包裹兮三世
佛冤也無妙也無玄可憐尋劍客空認刻

舟痕

舉智門問五祖戒和尚暑往寒來則不問林
下相逢事若何戒云五鳳樓前聽玉漏門云
爭奈主山高案山低戒云須彌頂上擊金鐘
耳卓頭髮斬釘截鐵逸格超宗五鳳

樓前聽玉漏須彌頂上擊金鐘

舉本仁示衆云尋常不欲向聲前句後鼓弄
人家男女何故且聲不是聲色不是色僧問
如何是聲不是聲仁云喚作聲得麼僧云如
何是色不是色仁云喚作聲得麼僧無語仁
云且道爲汝說答汝話若人辨得許你有箇
入處

沙裡尋油爐邊聽水非色非聲滿眼滿耳
不施本分鉗錠空費自家唇齒問到甚時
休答從何處止比他臨濟德山直是白雲三王

萬里

舉雲門問僧云古佛與露柱相交是第幾機
僧無語門云你問我與你道僧遂問門云一
條條三十丈僧云如何是一條條三十丈門
云打與代前語云南山起雲北山下雨

雲門跛脚師只有一張口嚼碎太虛空須
彌顛倒走南山起雲北山下雨知音何在
頻頻舉

舉教中道未離兜率已降王宮未出母胎度
人已畢

一二三四五六七七六五六三二一一言
勘破維摩詰鼻孔眼睛俱打失黑如漆明
如日四溟東海流般若波羅蜜

舉僧問雲門生死到來如何回避門云在什
麼處

華落華開月圓月缺寒則普天普地寒熱
則普天普地熱踏著秤錘硬似鐵甕裏何
曾失卻鼈

舉丹霞初見馬祖以兩手托幞頭祖云吾非
汝師南嶽石頭處去霞遂至石頭如前托幞

頭頭云著槽廠去霞依童行次一日石頭謂
衆云今日齋後普請刻佛殿前艸衆競具鋤
鉢霞獨洗頭捧剃刀於石頭前胡跪頭云作
什麼霞云請師刻艸石頭笑爲剃髮呼爲授
戒霞掩耳而去卻回江西馬祖院騎聖僧項
衆驚報馬祖祖親來見乃云我子天然霞遂
作禮云謝師安名祖問甚處來霞云石頭來
祖云石頭路滑子莫曾躡倒麼霞云若躡倒
則不來也

剔起便行太遲鈍生石頭剗草馬祖安名

黃河水清丹山鳳鳴見斯人今駕馭崢嶸
舉雲門示衆云乾坤之內宇宙之間中有一
寶祕在形山著燈籠向佛殿裏拈三門安燈
籠上

有句無句是住非住形山在這裏寶在甚

麼處陵宇宙鑠乾坤燈籠佛殿及三門從來沒一絲頭許北地黃河徹底渾

舉雪峯示衆云盡大地撮來如粟米粒大拋向面前漆桶不會打鼓普請看

鰲山店上成道象骨峯前入草三箇木毬輶來一粒粟米全該直饒打鼓普請看只在目前人不見

佛日普照慧辯楚石禪師語錄卷第九

音釋

萬 萱 上烏禾切音侵下白
許切音巨萬首葉名昇 売俱切音余
禦魚據切音御 鵠以律切音聿知
絞釘扞也拒也 雨天將雨鳥也 鉸古巧
整未燒何加切音 遺軒株玉切音
撻蟆也屬瘞研也 擊吉歷切音
撻頭巾也

音釋

音釋